

Der Summer isch verby

S.B. 11.9.2008

Intro: D | D^{maj7} | G | G^{maj7} :|

D *G^{maj7}*
Ds Schwümbbad het no offe
D^{maj7} *G*
U der Himel isch no blau
h fis G
I bi obsy gloffe
e *C*
U luege zrügg y ds Tal
G *D^{maj7}*
I gseh di lääre Ächer,
e *h*
Wo scho lang abgärntet sy
G *Fis* *h*
U ds erschte gälbe Birkeblatt,
e
das seit mir's o:
G *D | D^{maj7} | G | G^{maj7} :|*
Der Summer isch verby.

Am Morge isch es chüeler
U ds Gras isch nass vom Tou
Uf der Strass gseesch wider d'Schüeler
U am Aabe steisch im Stou
Es chöme graui Wolche
Un es fyschteret scho gly
U d'Fänschter vo de Chleidergschäft, di
zeige's o:
Der Summer isch verby.

G *Fis* *h*
Br.: Gly sy d'Bletter wider farbig,
e *D*
D'Böim sy blutt u kahl,
G^{maj7} *D^{maj7}*
Der Näbu schlycht dür ds Tal.
G *Fis* *h*
Ersch no grad isch Früelig gsy,
e *D*
Je meh Zyt hinder mir ligt
G *D*
U je weniger vor mir,
C *E*
Umso schnäller geit's verby.

D | D^{maj7} | G | G^{maj7} :|

D'Zyt het uf em Gsicht scho
Iry Spure hinderlaa
U Fründe, wo'd vilicht no
Gärn hättsch gsee, sy nümme da.
Der Bart wird langsam grau,
I bi scho füfevierzgi gsy
U ds Knacke y de Glänk, das seit mir
dütlich gnue:
Der Summer isch verby.

Im Herbst, da söll itz ryffe,
Was ym Summer no het blüejt.
I wett no Mängs begryffe,
Won i mi dermit ha gmüejt.
U wenn i einisch alt bi
U der Winter chunnt scho gly,
De lüpfen i mys Glas uf di u weis:
S'isch e schöne Summer gsy.